



Na osnovu člana 70. Zakona o organizaciji organa uprave u Federaciji Bosne i Hercegovine („Službene novine F BiH“, br. 35/05), član 90. Zakona o javnim nabavkama Bosne i Hercegovine („Službeni glasnik BiH“, broj: 39/14, 59/22 i 20/24), Ministar Ministarstva poljoprivrede, vodoprivrede i šumarstva donosi:

O D L U K A

o prihvatanju ponude i zaključenju direktnog sporazuma

I

Prihvata se ponuda ponuđača „ASA CENTRAL OSIGURANJE“ d.d. Sarajevo, broj: 28-7/26 od 28.07.2026. godine, dostavljena u postupku javne nabavke usluge kolektivnog osiguranja zaposlenih Ministarstva poljoprivrede, vodoprivrede i šumarstva Unsko-sanskog kantona putem direktnog sporazuma, u ukupnom iznosu od 2.096,24 KM (slovima: dvije hiljade devedeset šest konvertibilnih maraka i 24/100).

II

Sa izabranim ponuđačem iz tačke I ove Odluke neće se zaključivati poseban ugovor.

Direktni sporazum smatra se zaključenim prilaganjem police osiguranja, računa ili druge odgovarajuće dokumentacije.

III

Ova Odluka stupa na snagu danom donošenja.

IV

Izvještaj o provedenom postupku direktnog sporazuma objavit će se na Portalu javnih nabavki, u skladu sa članom 90. stav (6) Zakona o javnim nabavkama.

O b r a z l o ž e n j e

Postupak javne nabavke usluge kolektivnog osiguranja zaposlenih Ministarstva poljoprivrede, vodoprivrede i šumarstva Unsko-sanskog kantona proveden je putem direktnog sporazuma, kao postupka javne nabavke male vrijednosti.

Procijenjena vrijednost predmetne javne nabavke iznosi 2.300,00 KM.

Prilikom pripreme predmetne nabavke uzeti su u obzir i podaci iz provjere tržišta provedene tokom 2025. godine, o kojoj je 17.06.2025. godine sačinjena službena zabilješka.

Radi utvrđivanja aktuelnih tržišnih uslova, tokom 2026. godine zahtjev za dostavljanje ponude upućen je putem elektronske pošte na adrese više privrednih subjekata koji pružaju usluge osiguranja. Na upućene zahtjeve nisu zaprimljene ponude drugih privrednih subjekata.

Ponudač „ASA CENTRAL OSIGURANJE“ d.d. Sarajevo dostavio je ponudu broj: 28-7/26 od 28.07.2026. godine, koja je dana 29.07.2026. godine zaprimljena na protokolu Ministarstva. Ukupna ponuđena cijena za predmetnu uslugu iznosi 2.096,24 KM.

Pregledom dostavljene ponude utvrđeno je da ponuda ispunjava zahtjeve Ministarstva, da je ponuđena cijena u okviru procijenjene vrijednosti javne nabavke te da ponuda, uzimajući u obzir predmet, obim i uslove osiguranja, osigurava odgovarajuću razmjenu vrijednosti za novac.

Na osnovu navedenog, odlučeno je kao u dispozitivu ove Odluke.

POUKA O PRAVNOM LIJEKU: Protiv ove Odluke žalba nije dopuštena, jer u postupku direktnog sporazuma nije propisana mogućnost izjavljivanja žalbe.

Broj: 08/5-30-8607-4/26


Datum: 07-08-2026 godine

Pripremio:

Enis Džanić

Sekretar ministarstva

Asim Dizdarević



Mr. sci. Edvin Alijanović